

اجتماعیات مجموعہ سی

حصہ : ۲

میں ۱۳۳۳

نمبر : ۱

ڄورڪ نهی و منشاری (۱)

محرری : اُپیل دورِ قایم

(مابعد)

مثالری چوغا لائق فائده سزدر ؛ هپسی هان هان عینی صورتده تکرر ایدر .
بو قدر مغلق و بو قدر منتشر بر تشکیلات عمومی و درین سبیلره مستددر . بوسبیلره در ؟
بوسؤال اُتوغرافلری نومید ایتشددر . بعضیلری مشکلاتی حل ایچون صنفی قلان
عد ایتشلرددر . فقط محققدرکه بر صنفک هیچ بر زمان توتهمی اولمه مشدر ؛ بناءً علیه قلان
تعریفنه داخل اولاماز . دیگرلری بوسنفته بر نوع صنف اجتماعی (caste) کورمشلرددر .
حالبوکه بوفرضیهی تحقیق ایدر جک هیچ بر حادثه یوقدر . بو غریب ترتیباتی تنویر
خصوصنده اک متادی غیرتده بونان محرر کونو Cunow در . اوکا کوره هر صنف ،
هان هان عینی سنده بولان فردلر زمره سیدر . محققدرکه هر فردک قلان داخلنده کی
موقعی ، حقوق و وظیفه لرینک ماهیت و وسعتی ، واسع مقیاسده سنه تابعدر . قلان اهلینک
سنلرینه کوره طرز تقسیمنی افاده ایچون خصوصی بر توسیم بولونمسنه ، initiation آیینی
اجرا ایتمه مش چوجوقلره مخصوص براسم اولماسنه تعجب ایدیله مز . باشقه براسمده مقدسه
داخل اولان و متأهل بولان کاهللری ارانه ایدر ؛ باشقه براسمده یالکز اولی اولانلری دکل ،
تأهل ایتش چوجوقلری اولانلری ارانه ایدر . هرقلانده ، مختلف صنفلری تفریق ایچون
قوللانیلان تعبیرلرک معناسی بوندن عبارت فرض ایدیلیور . بو تشکیلاته مربوط اولان
ازدواج نموعیتلرینه کلنجه ، بوده مؤلف مومی الیهک ابتدائیلره عطف ایدرک منشائی پک
ایضاح ایتهدیکی برسوق طبیعی دن ایلری کلیورمش که بوده ، سنلری پک غیر مساوی اولانلر
آراسنده ازدواجه قارشی شدتلی بر نفرت ایتش .

(۱) اجتماعات مجموعه سی : صافی ۱

پکن نسخه مزده ڄور (incest) ی اقربا آراسنده ازدواج صورتیه . تعریف ایتشدک . بو
تعریف بعض قارئلرمنجه مبهم کورلدکندن : « یکدیگرینک محرری اولان یاقین اقربا آراسنده ازدواج »
صورتنده تحدید و تصریح ایدیورز ..

فقط اگر صنفار سنہ توافق ایتسہیدی ، فردلر حیاتده ایلروله دجہ صنفارینی ده
 ده کیشدیرملی ایدیلر . اختیارلادقجہ اوچنچی دن ایکنچی به ، ایکنچی دن برنجی به کچمه لری
 لازم دی . حالبوکه بالعکس ، بر فردک منسوب اولدینی صنف ، دوغدینی کوندن اعتباراً
 لایتزل بر صورتده تابندر . (کونوو) جواباً دیورکه آ بر صنفلرک اسمی ، حیاتک
 مختلف دورهلرنده ده کیشمش اولسه پدی ، تعقیب اولسان غایه به واصل اولونمازدی .
 فی الحقیقه یکرمی بش یاشنده و بناءً علیه اک کنجلر ایله اک یاشیلر آراسنده متوسط بر آدم
 فرض ایدلم . یاشی ایلروله دکدن سوکره کندندن ده اک کنج قادینلرله ازدواج ایدمه بیلیر؛
 شو قدرکه بوقادینلر initiation یاشنه یعنی سن کھوله واصل اولمش و کندیبسی ده کاهللر
 صنفندن هنوز چیمه مش بولونسون ؛ چونکه اوزمان اولرده کندیسنک منسوب
 اولدینی صنفه تقابل ایدن صنفه منسوب بولنورلر و اوزمان مشروع بر صورتده ازدواج
 عقد ایدمه بیلیرلر . مع مافیه بوقادینله کندی آراسنده دائماً ، مبدأه کی سن فرقی موجود
 اولور ؛ بناءً علیه مؤلفک ، رعایت ایدلدیکنی فرض ایتدکی قاعده به مخالف اوله رق ،
 کنجلر ایله اختیارلر آراسنده ازدواجه مساعده ایدلمش اولور . (کونوو) . کوره
 اوسترالیا لیلر بونتیجه بی بر طرف ایتک ایچون ، هر کسک صنفی بر دفعه به مخصوص اولمق اوزره
 بوتون مدت عمرنجه تعیین اولونمسنی و بونک بوتون صفحات مسلکيه سنده بلا تبدل تعقیب
 اولونماسنی اعتباری بر صورتده قبول ایتشلردر . فی الحقیقه بو صورتله مختلف سن زمره لری ،
 عینی نام تحتده برلشوب مزج اوله مازلر چونکه هر برینک آری اسملری واردر .
 یالکز « کونو » بیلیمورکه بو صورتله نظریه سنک تا اساسی تخریب ایدیور ؛ زیرا
 اوزمان صنفلر ، طبقات سن تقسیماته توافق ایتیمور ، چونکه بر ترتیب آری آری انواع
 ایچنده هم طفولیت دورینی کچمش و هنوز شیخوخته واصل اولمامش آدماری بولوندوریور .
 عکسی صورتله ، عینی اسم بوراده بر چوجوغه ، شوراده بر اختیاره قابل تطبیق در زیرا
 هر ایکسینک ده منسوب اولدینی صنفلر تولدلرندن اعتباراً و سنلری نظر دقته آلمه دن ،
 تعیین ایدلمشدر . اگر اختیار ، بر (ایپاتادن) دوغمش ایسه ، (قومبو) اولور نصل که عینی
 صنفده والده سی اولان بر چوجوغک قومبو اوله جفی کبی .

فی الحقیقه دنیله بیلیمی که بواصولر ، اهالینک سن اوزرینه تقسیمنه تطابق ایتیمور ،
 یالکز اسلاف ایله ایله انسال آراسنده ازدواجک اوکنی آلیور ؛ بواصوللر ، بر بابانک
 قزیه ازدواجه مانع اولیور سده (چونکه اساس اعتباریه قیز ، باباسنک قادین آله بیله جکی

قلانه منسوب (کلدر) بویوک آنا بابا ایله طورونلر آراسنده ازدواجه هیچ بر صورتله مانع اولاماز. زیرا هر صنف ایکی بطن صوکره میدانه جیقار، برقادین ایله کوچوک قیزی عینی صنفه منسوب اولرلر و بوصفندن ده بویوک پدر ایسته دیکی قادینی انتخاب ایدم بیلیر. مثلاً برقوبی بر ایپاتا ایله ازدواج ایدرسه (ایپاتا) نك قیزلری بوتانا اوله جق. فقط بو (بوتالار) ك قیزلری ینه ایپاتا اوله جق وایلك قوبی بو (ایپاتا) لردن قیز آله بیلیر و بنا علیه طورونیه ازدواج ایدم بیلیر. دیمك اولیورکه بوتشکیلانك، ابون، چوجوق و طورونلر آراسنده ازدواجك منعندن باشقه بر غایه سی واردر بو طرز تقسیمی تمیز ایدن مناوبه اصولی باشقا صورتله ایضاح اولوناماز.

بونکله برابر مسئله بزجه غیر غابل حل کورونمور. ظاهرده غریب اولان بونظام، عادی اغزوغامی قانوننك تشمیلندن باشقه برشی دکلدر. بوکا قانع اولوق ایچون، اوسترالیا قلامرینك عرض ایتدیکی بعض خصوصیتلره باقق کافی در.

اولا شونی بر معلوم اوله رق اوتایه قویالم که، صنفلره تقسیم اصولی اك کیچ، برعشیرت ایکی ابتدائی قلانی حاوی اولدیغی زمان ظهور ایتشدر. فی الحقیقه بلا استثنا هر یرده صنفلرک اسمی عینی فراتریه منسوب قلانلرده بردر. دیمك اولویورکه بو اسملر اساساً منشأی زمرده وارمش چونکه بوتون بوقسمی غروبلا متعاقباً اوندن چیقمشدر. بواسطه برنجیلردن ایکنجیلره کچمشدر. دنیه بیلیرکه بونقطه ده اعتراض ایدیلدجك هیچ بر جهت یوقدر. بوصنفلرک نسل ظهور ایتدیکنی آکلامق ایچون، ایکی ابتدائی قلانه آیرلمش فقط هنوز تالی قلانلره آیرلمش بر عشیرت تصور ایدم. بیاناتمزی قولایلشدیرمق ایچون بوقلانلردن برینه A دیگرینه B دییهلم. برنجی قلانك ارککلرینه (Ah) قادینلرینه Hf ایکنجی قلانك ارککلرینه Bf قادینلرینه Bf دییهلم. ایلك بطنده ایکی قلانك سمسیمی بروجه آتی اوله جق:

B قلانی		A قلانی	
Bh'	Bf'	Ah'	Af'

اغزوغامی قانونته کوره Ah' Bf' ایله و Af' Bh' ایله ازدواج ایدم بیلیر. تسلسل لام اولدیغی ایچون (قاره بونی موقه قبول ایتسین) Ah' Bf' زوجیتدن دوغان چوجوقلر B قلانه منسوبدرلر، چونکه والدملرک قلانی B در. Af' Bh' زوجیتدن دوغان

چوجوقلر عینی سبیدن دولانی A قلاته منسوبدرلر . ایلک چوجوقلره جنسلیرنه کوره Bh^2 Bf^2 وایکنجی لره Ah^2 Af^2 نامنی ویرهلم .

بورایه قدر هرشی بیلدیکمز قاعده لره کوره جریان ایدیور . فقط یکی بر حاده بو قاعده نك طرز تطبیقنی اغلاق و اشکال ایدر . بوتون بو عشیرت لره ، چوجوقلر هر نه قدر آناسنك توتنه منه منسوب ایسه ده و آناسنك قلاتندن صاییرلر سده ، والده اولندیکی آندن اعتباراً زوجیه برلکده یاشار و بناءً علیه زوجك قلاتنك اراضیسی داخلنده بولور . و چوجوقلری نه اوراده دوغوریر : چوجوقلر اوراده بویور ، ارکك چوجوقلری بوتون مدت عمرلرنجه اوراده قالیرلر قیزلر ، تأهل ایدنجهیه قدر اوراده قالیر . (Bf^1) چوجوقلری (یعنی Bh^2 Bf^2) A داخلنده دوغارلر ، و موجودیتلری یاتماماً و یا قسماً اوراده کچیرلر چونکه A بابالرینك قلاتنی در ؛ عکسی صورتله ، Af^1 ک چوجوقلری (یعنی Ah^2 Af^2) B داخلنده دوغارلر چونکه آنالری زوجیه اورایه کتشددر . بو صورتله ایکی قلاتن آراسنده حقیقی بر کیدوب کله جریان ایدر ؛ ایکنجی بطنده A توتنه منی طاشیان و A قلاتنی دوام ایتدیرن بوتون فردلر B قلاتنه و B قلاتن و توتنه می فردلری A قلاتنه کچر . بویکی زمیره نك سمه سی بروجه آتی اولور :

B قلاتنی اراضیسی

A قلاتنی اراضیسی

Ah^2 Af^2

Bf^2 Bh^2

ایکنجی بطن

اوجنجی بطنده ، یکیدن بر کیدوب کله اولور ، و بو دفعه هرشی ایلک حاله رجوع ایدر . Af^2 Bh^2 ایله ازدواج ایدر و کندی قلاتنی اولان A قلاتنه کوتورور و اوراده یاشار . چوجوقلر آنالرینك توتنه منی توارث ایدرلر و Af^3 Ah^3 اولورلر . و بو دفعه اصل کندی قلاتلری اولان A قلاتنی داخلنده بولورلر . عینی صورتله Bf^2 Ah^2 ایله ازدواج ایتدیکندن و اونکله B قلاتنی داخلنه یرلشدیکندن ، چوجوقلری Bf^3 Bh^3 ، B قلاتنده دوغار و بویورلر ؛ بونلر ده اسمنی طاشیدقلری قلاتن اراضیسی داخلنده بولمش اولورلر . بناءً علیه بطنلرک تعاقبی بروجه آتی ترسیم اولونه بیلیر :

A قلاتنی اشغال ایدن

اهالی

برنجی بطن : Af^1 Ah^1

ایکنجی بطن : Bf^2 Bh^2 (Bf^1 ایله Ah^1 ک چوجوقلری)

اوچنجی بطن: Ah^3 Af^3 $(Af^2 \text{ ایله } Bh^2)$ ()
 دردنجی بطن: Bh^4 Bf^4 $(Bf^2 \text{ ایله } Ah^3)$ ()

B قلائی اراضیسی اشغال ایدن

اهالی

برنجی بطن: Bf^1 Bl^1
 ایکنجی: Af^2 Ah^2 ایله $(Bhf^1 \text{ ک چوچوقلری})$ ()
 اوچنجی: Bf^3 Bh^3 $(Bf^2 \text{ ایله } Ah^2)$ ()
 دردنجی: Af^4 Ah^4 $(Af^3 \text{ ایله } Bh^3)$ ()

بو صورتله هر بطن، کندندن در حال صوکره کلن بطندن باشقه شرائط داخلنده بولونیور. ایلک بطن، اسمنی طاشیدیغی قلان اراضیسی داخلنده بویودی ایسه، ایکنجی بطن بو قلانندن خارج، یعنی دیگر قلان داخلنده بویویور. فقط اوچنجی بطن ینه کندی اراضیسنه عودت ایدیور. بناءً علیه مادام که عینی قلاانک مختلف بطنلری عمرلرینی بوقدر مختلف اجتماعی محیطلرده کچیریورلر، بونلر آراسنده بفرق کوزه تمک وبونلری مختلف اسملرله یاد ایتک خصوصنده بر اعتیاد حاصل اولسی پک طبیعی در؛ بونک ایچوندرکه عائله طوپراغنده دوغان و قالان بطنلره بر اسم، وقلان علامات فارقه سنی حائر اولقله وعینی توتهم دیتندن بولونمقله برابر، بو توتهم اوجاغنده اوطور میان بطنلر ایچونده آیری بر اسم ویرلمشدر. و مادام که بو بطنلر صیراسیله داخلده مولد (آندوژن) و صیراسیله خارجدن مولد (آغزوژن) اولویورلر، بونلره ویریلن اسم دهده عینی صیرانک تکرری لازمدر. یعنی هر بطن نوعنه منحصر بر صنف تشکیل ایده جک وبو صنف کندیسنی استخلاف ایدن صنفدن، آیری بر اسمله آیریله جق؛ فقط اوچنجی اوله رق کلن بطن ایلک بطنک اسمنی آله جق و دردنجی بطنده ایکنجی بطنک اسمنی آله جق قدر. ایشه بر قلاانک مختلف صنفلری آراسنده موجود ویکنظرده بوقدر شایان تعجب کورولن بوموقوت تناوب بوندن ایلری کلیور.

هر قلاانک متناوب صنفلره تقسیمنی ایضاح ایدن اسباب بو تشکیلاته مربوط اولان ازدواج ممنوعیتنی ده ایضاح ایددر.

آغزوغامی قانوننه کوره، عینی بر قلاانه منسوب انسانلر آراسنده ازدواج ممنوعدر.

فقط، مثلاً B قلاتی تشکیل ایدن ایکی بطن و یا صنف سلسله‌سندن بری، یوقاریده کوردیکمز وجهله، A قلاتی داخلنده یاشار. شبه‌سز بو صنف A قلاتنک توتهمنه منسوب دکلدر و بر جهتن بوسبوتون آیری در. مع مافیه اوراده دوغمش اوراده تربیه کورمش اولمق مناسبتیه A قلاتنک A ده یاشایان بطنلریله متمادی وصیقی مناسبتده بولئور؛ زیرا هم A نک، A داخلنده یاشایان بطنلری و B نک A داخلنده یاشایان بطنلری عینی اراضی‌ی اشغال ایدرلر، عینی اورمانلردن عینی نهرلردن استفاده ایدرلر، عینی تربیه‌ی کورمشلردن الح. بالنتیجه بو مختلف ایکی قلاتن قطعه‌سی آراسنده - که عینی اقامت محلنده بولونیورلر، عینی اخلاقی‌هوانی تنفس ایدیورلر - بالضروره غایت صیقی مناسبتلر پیدا اولور. بو مناسبتلر، عینی توتهمه منسوب آدملر آراسنده کی مناسباتنک عینی اولماسده ینه بوکله مشابه در. عینی توتهمه منسوبیتدن نشأت ایدن مناسباتنک هر درلو مناسبت جنسیه‌ی منع ایتدیکی نظر دفته آلتیرسه، عینی ماهیتی حائر اولان دیگر مناسباتنک ده، منطقی برشمول ایله عینی تأثیری حائر اولمسی پک بدیهی در. اسم اعتباریه عینی قلاتندن اولان انسانلر آراسنده زوجیت مناسباتنه فجوری و شایان نفرت بر نظرله باقیمق اعتیاد ایدلر کدن صوکره، لفظاً باشقه بر قلاتنه منسوب اولمقله برابر اولکیلر قدر و حتی دهافضله صیمی مناسباتده بولئان فردلر آراسنده بوکی مناسبات اوجیه‌نک ده عینی صفقی حائر بولونماسی پک طبعی‌در. شمیددن دنیه‌بیلیرکه عینی توتهمه منسوبیتنک حائر قدرت اولماسی مشترک حیاتنک بر تمثالی اولمق اعتباریه در. توتهم مشترک اولماسده مشترک حیاتنک موجودیتی عینی نتیجه‌ی ویریر. مثلاً صرف اغزو و نغما قانوننک تأثیریه A داخلنده دوغان A صنفی ینه A داخلنده دوغان B صنفیه - توتهملر آیری اولماسنه رغماً - ازدواج ایده‌مز. فقط B قلاتی داخلنده دوغان B صنفیه عینی اخوت موجود اولمادینی ایچون و بناء علیه A قلاتی اهالیسیله هیچ بر مناسبتی بولونمادینی ایچون ازدواجن ممنوع اولماسنه هیچ بر سبب قالماز. ازدواج قابلدرد؛ زیرا بو ایکی صنف آیری آیری توتهملره منسوب اولمقله ده قالمیه‌رق، حیاتلری ده آیری کچر. چونکه بر بردن مستقل ایکی محیط ایچنده یاشارلر، عکسی صورته، و عینی سیلردن دولایی B قلاتی داخلنده دوغان A صنفی انجق A قلاتی داخلنده دوغان B صنفیه ازدواج ایده‌بیلیر. عمومیت اوزره، بر قلاتن صنفی آنجق دیگر قلاتنک باشقه بر صنفیه، یعنی عینی شرائط داخلنده بولئان صنفیه ازدواج ایده‌بیلیر: A قلاتی داخلنده دوغان A صنفی، B داخلنده دوغان B صنفیه،

B داخلنده دوغان A صنفی، A داخلنده دوغان B صنفیه ازدواج ایده بیلیر. بو نقطه نظره کوره بر برینی تعقیب ایدن ایکی بطن هیچ بر زمان عینی شرائط داخلنده بولنه. میه جغندن، بر قادین و یا بر ارکک، کندی بطنی تعقیب ایدن بطندن ارکک و یا قادین آلاماز. دیمک اولوبورکه صنفلر آراسنده کی اغزوغامی؛ ابتدائی قلاندن دیکرینه قسما انتشار ایدن بر قلان اغزوغامیسنندن باشقه بر شی دکلدیر. بو انتشارک سببی ده نتیجه اعتباریه قلان تشکیلاتنه مخصوص اولان عدم التصاقدن ایلری کلیور. فی الحقیقه قلان شکلسز بر زمره، بک معین بر شخصیتی حائر اولمایان و اطراف چوره سی ارض اوزرنده ماده بللی اولمیان متوج بر کتله در. بو قلان ارضک معین هانکی نقطه سندن یاشلایور، هانکی نقطه سنده بقیور، بیلینه مز. عینی توتومه مالک اولانلرک هبسی، زرده بولنورلرسه بولونسونلر بو قلانک اعضاسی درلر. بعضیسی بر اساسی حائر اولمادیغندن کندیسنی محلاً آیری آیری زمره لره تقسیمه مائل اولان اسبابه قارشی قویامز. قادینک زوجه سیله برلکده کیدوب یاشاماسنی ترویج ایدن عادت و مادری تسلسل بو انحلالی ضروری قلیور. هر قلان، بر ارایه کلن بو ایکی سببک تأثیری تحتده، حقوق اعتباریه کندوسنه عائد بظنلرک کندندن خارجه اسکان اتمه لرینه جواز ویردیک کی، آغوشنه اجنبی بظنلر دخی قبول ایدر. بالتیجه قلانلر بر برینه قارشیور، بر برینک ایچینه کیریور. نفوسی مبادله ایدیور و بو صورته یکی تشکیلات حصوله کلیور. و اغزوغامی قانونی ده بو تشکیلاته یکی شکلر تحتده داخل اولور. بوندن آکلاشیلیورکه بر تشکیلاتک نتیجه سی اوله رق اصل توتومه زمره سی کسب ضعف ایدیور. چونکه بو صورته عینی محله طولانان مختلف قلانلر اقسامی عینی حیاتی یاشایورلر و یکی توتومه مدن مستقل بر نوع جمعیت تشکیل ایدیورلر، بو جمعیتلر انکشاف ایتدکجه، اسکی قلان تشکیلاتی بر طرف ایدیلیور و یاواش یاواش اورته دن قالقور.

بو ایضاحات عشرتک یالکز ایکی ابتدائی قلانی حائر بولوندینی ابتدائی بر شکله قابل تطبیقدر. فقط بو ایکی ابتدائی قلاندن هر بری ده آیریجه ینه تالی قلانلره منقسم اولونجه، تالی قلانلر؛ ابتدائی زمره ده حصوله کلش اولان صنوف تشکیلاتی توارث ایدرلر. بوصفله اولکی ایکی قلانده کی اساسلر اوزرینه شکل ایدر. زیرا بونلر ده اولکیلرک بر دوامندن عبارتدر. اولجه تعریف ایتدیکمز بر آزدها معلق تشکیلات بو صورته حصوله کلیر.

بو نظریہ، آسٹرالیا صنفی تشکیلاتی تفرعاً نہ قدر ایضاح ایتدکن ماعداء سائر واقعہ لرلہ دم تأید ایدر .

۱ — بو نظریہ کورہ صنف تشکیلاتی قسملاً لام تسلسلی ایجاب ایتدیریور . اگر آلدانمادقسہ، بالعکس پدر طرفدن تسلسل باشلادیغنی آندن اعتباراً صنف تشکیلاتی اورتہ دن قالمالیدر . چونکہ بو تقدیرجہ فرضیہ مزہ کورہ صنفلرک آرتق رجودینہ لزوم قالماز . زیرا چوجوقلر او زمان آنالرینک دکل بابالرینک توتہ منی حائر درلر ؛ اسمنی حائر اولدقاری قلان داخلندہ دوغارلر و بویورلر . هر بطن کندندن اول و صوکرہ کلن بطن ایله عینی شرائط داخلندہ بولنور : بناءً علیہ بطنلر هبسی داخلندہ متولددر . بونلر آراسندہ فرق کوزہ تہجک هیچ بر سبب یوقدر . توتہم زمرد سیلہ بقعوی زمردنک اثینیتی کرک بو زمردلر برلشدیکندن و کرک توتہم زمردسی اورتہ دن قالدیغندن دولایی زائل اولمشدر . صنف تشکیلاتنک توافق ایتدیکی متناوب ترتیبی حصولہ کترین بو اثینیتدر . او حالده بو صنف تشکیلاتی فائدہ سز و تدریجاً زوالہ محکوم بر پس زندہ حالندہ قالیر .

حادثات بو تعلیلی تأیید ایدیور . هوویت Hovitt ، قلانلرک پدر طرفدن تسلسل ایتدیکی برلردہ صنف موجود اولمادیغنی بیان ایدیور : نارینه ری Narinyeri ، کورنہ Kurnai ، شپارا Chipara عشرتارندہ حال بویلددر . کور Curr ، کورہ دمہ چوجوغک منسوب بولندیغنی صنف اساس اعتباریله والدہنک صنفیله تعین اولنور . [۱]

۲ اگر ، اولجہ قبول ایتدیکمز و جہلہ ، صنفلرہ انقسام ، عشرت هنوز ایکی ابتدائی سمیہی محتوی ایکن حصولہ کلش ایسہ ، بو ابتدائی تشکیلاتک خاطرہ سی زائل اولدجہ بو تقسیمدہ زوال بولور . فی الحقیقہ بو حال مشاهدہ اولونیور . (قامیلارووا) لردہ ، اسکی زمانندہ عینی فراتریہ منسوب سمیہلری بر برینہ باغایسان رابطہلر ، یاواش یاواش چوزولدی ونهایت بو سمیہلردن بعضیلری آراسندہ ازدواجہ مساعدہ اولوندی . بر (أمو) بر (باندیقو) نی — هر نہ قدر ایکسی دە (قوباتین) فراتریسندن اولسہ لردہ — آله بیلور . فقط بونک ایچون ، عینی فراترینک ایکی صنفی بینندہ ازدواج مساعدہ اوللی درکہ نهایت بودہ اولدی . بالادہ درج ایتدیکمز ، وبر (ایہ) ویا بر (کومبو) نی بر بوتما وبر ایپانا ایله ازدواجدن منع ایدن نظام یاواش یاواش ضعیفلا دی ونهایت (أمو) عشرتندن بر

رایه)، باندیقو عشیرتندن بر (ایپاتا) ایله ازدواج ایده بیلدی. بر (قومبو) عینی شرائط داخلنده بر (بوتا) دن زوجه آله بیلیر.

ذریه تسلسلنك اولام و بالا آخره لاب اولدیغنی قبول ایده رک، بوتون بوايضاحاتی بر فرضیه اوزرینه استناد ایتدیردیکمز بلکه اعتراضی بادی اوله بیلیر. فقط اعتراض ایتمه دن اول، بیانامزك معناسنی آکلامق ایجاب ایده ر. شونی سویله لم که، (باق اوفن) وناده (مورغان) ایله برلکده، مبدأده هر کوچوک عائلوی زمره نك مرکزی زوج اولیوب قادی ن اولدیغنی، وچو جوقارک والده لری نزدنده و مادری اقربا نظارتی تحتنده تربیه کوردکلرینی ادعا ایتیمورز. حادثات بداهت درجه سنده کوستریورکه اوسترایلاده عمومی عادت بونك عکسی در؛ سویله مک ایسته دیکمز شی ده بوندن عبارتدی. بزم بحث ایتدیکمز، اساسی توتهم اولان زمره در. و غیر قابل اعتراض برشی وارسه اوده، منشأ لرده توتهمك یالکز مادری سلسله بی تعقیب ایتدیکی در؛ بناء علیه سمیه، یالکز قادی نلرک نسلدن مرکب ایدی [۱]. مسئله بی عریض و عمیق تدقیق ایتمه لزوم کورمه دن، آئیده کی اسباب ادعایمزی تصدیقه کافی در:

۱° جمعیتلر نه قدر ابتدائی بر صورتده انکشاف ایتش اولورسه مادری سمیه اوقدر صیق کورولور. مادری سمیه اوسترایلاده غایت عمومی در؛ بشده دوت تصادف اولور. آمریقاده ده نادر در؛ اوراده نسبت برده اوچ حتی ایکی درجه سنده در [۲]. آمریقا وحشیلری، اوسترایلاره نسبة محسوس بر صورتده ده یوکسک بر حالت اجتماعیه واصل اولمشلر در.

۲° هیچ بر زمان پدری بر سمیه نك، مادری بر سمیه نه تحول ایتدیکی کورولمه. مشدر، بویله بر استحاله نك دوغریدن دوغری به مشاهده ایدلیدیکی هیچ بر یرده ذکر ایدلیور. بالعکس بونك ضدی تحولک اکثریا حصوله کلیدیکی بداهت درجه سنده بیلنور.

۳° اساساً بویله بر تبدل غیر قابل ایضاح در. پدر زمره سنی قسماً چو جوقلردن آریله رق اولنره یابانچی بر توتهم و بو توتهمدن متحصل بر طاقم اخلاقی و دینی مجبوریتلر تحمیل ایتمه نه کی اسباب اجبار ایده بیلیر؟ چو جوقلر پدری سمیه ده دوغورلر، عمرلرینی بعضاً

[۱] (غروسی) کی، (مورغان) ک ادعاسنی جرح ایدنلر بیله بونی تصدیق ایدلیور.

[۲] Frazer. Totémisme, 69-72.

قسماً بعضاً کاملاً اورادہ کپریورلر؛ بونلری باشقہ بر توتہم جمعیتہ قیدایتدیرہ جک اعتیاد نرہدن حاصل اولہ بیلیر؟ کونوو Cunow بیلہ بوکا جواب ویرمہنک همان همان غیر قابل اولدیغنی اعتراف ایدیور . [۱]

بونک عکسی تکامل ایسه پک قولایلقلہ ایضاح اولونہ بیایر . اساساً ، چوجوق باباسنک یاننده ، پدری اقربالری نزدندہ بویودیکی ایچون ، کیت کیدہ بونلرک دائرہ تأثیرینہ کیرمسی ، یعنی بوسبوتون بونلرک سمیہ لرینہ داخل اولمسی غیر قابل اجتناب برحالدیر . چوجوغنک ، پدر سمیہ سنده بولنوبدہ بوسمیہنک اسمنی حائر اولمامسی غیر طبیعی برحالدیر . بوتحولک ، بویوک بر مقاومته معروض قلمہدن وقوعہ کلمسی ایچون ، اسکی (توتہ میزم) ک اساسلرینی تشکیل ایدن غنغنه وعادتلرک اولکی تأثیرلرینی غائب ایتمش اولمسی کافی در . چوجوغنی باشقہ بر زمرد اخلاقیہ ربط ایدن وبوصورتلہ تام بر تمثله مانع اولان یکانہ رابطہلر بوندن عبارتدر . بناء علیہ ، بورابطہلر جوزولدکجہ ، مانعہ آزالیر . فی الواقع ، پدری ذریتک تأسس ایتدیکی یردہ (توتہ میزم) ک کسب ضعف ایتدیکی محققدر ، (کورنہ) لر دها ایلری کیتمشلردر ؛ اونلردہ آرتق هیچ سمیہ یوقدر ، یالکز بقعوی وخصوصی عائلهلرہ انقسام ایتمش زمردلر واردر . هر موضعی زمردنک ؛ عمومیت اوزرہ ، برتوتہ می واردر ؛ فقط بقعوی عنصر هر یردہ حاکمدر : بوقسملردن هربری ، هرشیدن اول اشغال ایتدیکی اراضی ایله تمیز وتفریق اولنور وتوتہ منک اسمیلہ دکل ، صرف جغرافی براسملہ ارأئہ اولنور . حتی بعضیلرینک برقاج توتہ می واردرکہ بوسمیہ مفہومیلہ برتضاد تشکیل ایدہر ؛ حقیقی برقلان ایکی توتومی حائر اولاماز ، چونکہ ایکی منشأی اولاماز . فضلہ اولہرق ، (نارینہری) لردہ توتہ می موجود ، دینی برماہیتی حائر دکلدر ؛ اگر توتہم بر حیوان ایسہ ہم آولانیر ہم ینیر . سمیہ افرادی ایله توتہم آراسندہ عنیت یوقدر . توتہم آرتق اعتباری بر صفت حکمنہ کیرمشدیر . [۲]

کرچہ ، (کونوو) ک ادعاسنہ کورہ ، (توتہ میزم) ک بو جمعیتلردہ کورولہ مسی ، زائل اولدقلرینہ دکل فقط بو جمعیتلردہ اساساً هیچ موجود بولونمہ مش اولدیغہ دلیلدر .

Op. cit., p ; 435 [۱]

Cunow. Op. cit., 82. Cf. Curr Op. cit, 244. [۲]

مومی‌الیه کوره (کورنه) لر اووسترالیا مدینتک اک آشانی بر شکلی ارئه ایدیورلر؛ (نارینه‌ری) لر (کورنه‌لر) دن بر درجه یوکمک اولمقله برابر، ینه اووسترالیانک دیکر عشیرتلی درجه‌سنه واصل اولاماشلردر. بونک ایچون‌ده توتهم تشکیلاتی برنجیلرده هیچ یوق وایکنجیلرده هنوز دوغمی اوزره بولونیور. فقط بو فرضیه‌ی جرح ایده‌جک بر دلیل، (کورنه) لرده اسکی بر (توتهمیزم) ک غایت بدیهی اماره‌لرینک موجود بولونمسی در. بو عشیرته ارکک و قادینلرک آیری آیری توتهم‌لری وار و بوتوتهم فوق العاده مظهر حرمت اولوبور. ارککلرک توتهمی (یه‌رونع) نامنده بر قوش در؛ قادینلر ککی اوتلکن قوشی (djatgun) در. Yeerung نامنده کی بوتون قوشلر ارککلرک قاردشی دیمکدر؛ جه‌تونغ نامنده کی بوتون قوشلر قادینلرک همشیره‌سی عد اولونمقده در. و بو ایکی نوع قوش (کورنه) لرک جدی عد اولونیور. [۲] بو اعتقادلرک و بو عادتلرک توتهمیزم دینه منسوب اولدیغی کوسترن بر شی ده‌ها واردرک، اوده بونلرک، توتهم عبادتی اجتماعی تشکیلاته اساس تشکیل ایدن جمعیتلرده‌ده کورولمسی در. [۳]

دیکر طرفدن، بونلری، توتهمیزک ابتدائی بر شکلی وایلک تجربه‌سی عد ایتک بوسوتون غیر قابلدر؛ زیرا محققدرک منشأده توتهم سمیه‌دن دوغار و سمیه‌نک شخصیتی تعیین ایدر. بالا‌خره اشتقاق صورتیله، توتهمیزم، هرسمیه داخلنده کی هرجنسدن متشکل زمره‌لره انتشار یتمشدر. [۱]

Tison et Howitt. Op. cit. p. 194, 201, etc. 215, 435. — Howitt. [۲]

Further Notes, p. 57 et suiv. Frazer, Totemisme, p. 51.

Crawley. Sexual Tahous, in Journal of the Anth. Inst. 1895, p. 225. [۳]

[۱] (کورنه) لرک، دیکر اوسترالیا عشیرت‌لرندن ده‌ها ابتدائی اولدنلری اثبات ایچون، (کونوو)؛ چوجوقلرک، حاله‌لرینه مومونغ Munmung نامی ویردکلرنی سرد ایدیور؛ بو نام، بابایه ویریلن مونغان Mungan اسمنه پک یاقیندر. مومی‌الیه دیورک، مادام‌که حاله آنا طرفه منسوب برجد عد اولونیور، بو اولدقجه صوک زمانلره قدر حاله‌نک حقیقی والده اولدیغی و بناء‌عایه هر آدمک همشیره‌سیله ازدواج ایندیکنی کوسترر: بوده غایت ابتدائی برحالت اجتماعی کوسترر. فقط مؤلف اونوتیورک بوتعیرلر قانداشلق افاده ایتمز؛ نته‌کیم آشایده، (قوخلر) ک کتاندن بحث ایدرکن اثبات ایده‌جک؛ بونی (کونوو) ده اعتراف ایدیور؛ بناء‌عایه بواسملرله زمره‌نک اعضاسنی ربط ایدن قان رابطه‌سنه عائد بر نتیجه‌یه واریله‌ماز. حقیقت حاله، (مونغان) پدري زمره‌نک چوجوقدن مقدم اولان ارکک بطنی ارئه ایدر، (مومونغ) ده عینی شرائط داخلنده بونان قادین قسبی ارئه ایدر.

اساساً بوحالہ اولجہ بسط ایتدیگمز حادثہ لرلہ توافق ایدیور . لام واقع اولان ذریت تسلسلانی بیقمغه معطوف اولان ، اغر و غامی قانونیلہ ، قادینی زوجیلہ برلکده یاشامغه اجبار ایدن عادتدر ؛ زیرا بوایکی قاعده ، چوجوغی درحال پدری اقربا نزدنده بولونمغه اجبار ایدر ، حالبوکه آناسنک سمیه سندن اوزاق بولنور . اولجہ ده کوستردیکمز وجہله عینی سبیلر توتہ مه مستند جمعی صصارصیور واونک یرینه اسم اتحاددن دها مهم بررول اوینایان اراضی برلکی اساسه مستند برزمره اقامه ایدیور . بناءً علیہ برعشیری ترکیب ایدن ابتدائی زمردلر ارکک طرفه منسوب آدملردن مرکب اولورسه یا توتہ میز مه عائد هیچ برشی اولسامسی ویا توتہ میز مک غایت ضعیف برپس زنده حالنده بولونمسی غیر قابل اجتنابدر . یا ، زمردنک معشری اسمی اولان توتہ مه بوسه بوتون اورتدن قالقار ویا - که بوحالہ دها صیق تصادف اولنور - صرف بر عنوان ، زائل اولان مؤسسه یی خارجاً درخاطر ایتدیرن فقط نهاسکی معناسنی ونده عینی تأثیری حائز اولیان اعتباری برترتیب شکلنده قالیور . آرق توتہ مه ، عصرلردن بری بیریکن غنغلرک اوزون بطلردن بری تشکیل ومحافظه اولتان عاداتک بر هیئت عمومیه سنی ارانہ ایدن بر تمثال حکمنده اولیور ؛ زیرا توتہ مه ، بوعادات وغنغاتی سوروکله یوب کوتورن برتکامل نتیجه سی بوشکلی بالمجبوریہ آلمشدر .

اولکی ایضاحات ؛ اووسترالیا عشیرت لرندہ کورولن وبعضاً اغر و غامی قانونسندن خارج عد اولتان دها بعض جنسی ممانعتلر ده همان عیناً قابل تطبیقدر ؛ بوممانعتلر ، عینی قانونک نتیجه لری وتطبیقاتندن عبارتدر . بوممانعتلر بروجه آتی ایکی انموذجه ارجاع اولونه بیلیر : ۱° سمیه لاب اولورسه ، زوجیت مناسبتلری یالکز بر آدمک منسوب اولدینی سمیه داخلنده یعنی پدری اقربا ایلہ ممنوع دکل ، مادری سمیه یه منسوب اولانلرلر ده ممنوعدر . بوحالہ بالخاصه (نارینه ری) لردہ تصادف اولونیور . [۱] یعنی اغر و غامی قانونی مضاعف اولویور . ۲° سمیه لام اولسه بیلہ بعضاً ازدواج یالکز بوسمیه داخلنده کی افراد آراسنده دکل بولنرلہ بعض پدری اقربالری آراسنده ده ممنوع اولویور . دیهری (Dyerie) لردہ برارکک نه برادرینک قیزی ، نه حاله سنی ، نه حاله سنک قیزی ، نه دایسنک قیزی الاماز . [۲]

Cunow. Op. cit., p. 48. Curr. II 245, 268 [۱]

Cunow, p. 114 [۲]

لام سميەنك ، لاب سميەدن اول اولديني قبول ايدلديكي تقديرده برنجي حادته قولايقله آكلاشيلير . زيرا ، لاب سميە تشكل ايتديكي زمان ، اسكي تشكيلاتك شعورلره تثبيت ايتديكي فكرلر واعتيادلر ، بردن بره طبيعي زائل اولاماز . لام قرابت ، اسكي تأثيرني برآز غائب ايتدي فقط بوسبوتون ييقلماي وبو قرابت برچوق زمانلر ازدواجي منع ايتديكي همچون ، برزمانلر ينه عيني تأثيري حائز قالدی . اسكي اغز و غامي ، يكي اغز و غامي نك ياننده ياشادي . منع ، ايكي وجهلي اولدي .

(ديهري) لرده ودها بعض عشيرتلرده كوروان و كيت كيده استثنائي برحال آلان قسمي ممانعتلره كانجه ، بونلر يرانتقال دورمه سنه توافق ايديوورلر . بونلر، پدري قرابتك اجراي تأثير ايتمه باشلايديني وهنوز تماماً حكومفرما اولمادي ني بر زمانلرده تأسس ايتمش اوله بيلرلر . زيرا بويله برتحول غايت بويوك بربطائتله حصوله كليز . چوجوغي ، مادري توتومه ربط ايدن رابطه لر ياواش ياواش چوزولمشدر ؛ مادري قرابتك اوصاف ممیزه سي پدري قرابته ياواش ياواش كچمشد . اساساً صنف اصولي ، ازدواجي ، پدري سميەنك نصفيه منع ايديووردي ، چونكه ايكي بطندن يالكيز بريسيله ازدواج قابلدی . بوممنوعيتك ياواش ياواش عيني سميەنك ديكر قسملرينده شامل اولمسينده ده هيچ بر فوق العاده لك يوقدر . بوممنوعيت ايلك حدوديني بر دفعه آشدقدن صوكره ، منطق برسر ايتله دها ايلري كيدمر . حاله مله ازدواج ايدم ، چونكه بندن اولكي بطنه يعني ازدواج ممنوع اولان صنفه منسوبدر . فقط بوقادينك قيزيله ازدواج ده همچون دها آرشايان نفرت كورولسون ؟ برينك ويرديكي نفرت طبيعي برصورتده ديكرينه ده سرايت ايدر . چونكه هرايكيسنك ده ويرديكي قرابت حسي عيني ماهيتده در . عيني صورتله ، اكر قادين ايسم ، دايمله ازدواج ايدم . چونكه ايكيمزده عيني توتومه منسوب ؛ فقط بو ممنوعيتك ، اوآدمك ياننده بولنان ، عيني چاتي آلتنده ياشايان اوغللرينده سرايت ايتمي طبيعي دكليدر [۱] ؟ بوشمولي تسهيل ايدن ، برسميه يه منسوب آدملك كندبلريني هپ

[۱] بو، داني، حاله ، الخ تعبيرلريني ، سياحلك قولالديني وجهله ، وضوحنه امين اولمادن استعمال ايديوورز . ابتدائي انسانلك لغتجه سي نظر دفته آليرسه بوتعيرلرك ، بزم بوكونكي طرز استعملزه موافق وبزمككنك عيني قانداشلق شرائطي داخلنده كي فردلره مي يوقسه هربري بربطني احتوا ايدن افراد زميره لريني هائي اولديني جاي سؤالدر . سياحينك حكايله لري بوخصوصده بك مادراً ايضاحات وبريور . حالوكه بونقطه فوق العاده مهمدر .

برجودن ایتمہ فرض ایتمہ لری و متقابل مجبوریتلرینک باشلیجه منبعی بو عینی جدہ منسوبیتده بولمہ لرندن ایلری کلیور . برزمان صوکره ، ازدواج ممنوعیتک ، سمیه بی تمیز ایدن مناسبلردن باشقه قانداشلق مناسبلرینه ده تعلق ایتمسی طبیعی و منطقی کورولور .

عمومیت اوزره ، سمیه لر تعریف ایتدی کمز و جهله یکدی بکرینه مزج و داخل اولدقجه مختلف نوع قرابتلرده عینی صورته قاریشیر ؛ عینی سطحده بولورلر . بناء علیه اسکی لام قرابت نفوذنی محافظه ایده مز . او زمان ممنوعیتلر دائره سی ده درحال توسع ایدر . حتی او قدر توسع ایدرکه بعضاً معین حدودی حائر اولماز . مادری سمیه دن صوکره پدری سمیه ده داخل اولمقله قالمیوب ، ده ایلری کیدر ، اولکیلرله آز چوق کچیجی اتفاقلر عقد ایدن باشقه زمره لرده کیرر . بالخاصه ، فجوری مناسباتی دیگر مناسبات زوجیه دن تفریق ایدمک توتهم موجود اولمازسه ، بو مناسباتک زمره ختام بولدینی بللی اولماز .

بو حال (کورنه) لرده حصوله کلشدر . ماشقه هیچ بر یرده قلانلرک بر یرله قایناسمه سی بو قدر تمام دکلدیر ؛ چونکه توتهمیزم زائل اولمشدر . جمیت ، بوتون اعضا لری یکدی بکریجی اقربا عد ایدن فقط مشترک نامی حائر اولمان زمره لر دن مرکبدر . هیچ بر یرده ده ممنوعیتلر بوندن فضله اولما مشدر . مثلاً بر (کورنه) لی ، اقربا لر دن بعضیلرینک قیز آلدینی زمره لر دن اولمه مز . حقوقی بر صورتده ازدواج ایچون اکثریا پک اوزاقلره کیمه سی ایجاب ایدر . [۲]

دیمک اولویورکه (أغزو غامی) ، فجور دن نشأت ایدن ازدواجی ممنوعیتلرک اکتساب ایتمس اولدینی اک ابتدائی شکلدر . ابتدائی جمعیتلرده کورولن بوتون ممنوعیتلر بوندن نشأت ایتمشدر . أغزو غامی ، اک ابتدائی صورتی تحتندہ ، مادری سمیه خارجه جیهماز . اورادن اولاقسماً و بالآخره بوسبوتون پدری سمیه یه کچر ؛ بعضاً ده ایلری کیدر . فقط مختلف نوعلری آلتندده دائماً مختلف احواله تطبیق اولنان عینی قاعده در .

أغزو غامی بی حصوله کترین اسبابک نه دن عبارت اولدینی آکلامق ، کورولیورکه فوق العاده حائر اهمیتدر . چونکه بوقاعده نک ، زوجیت عرفلرینک مؤخر تکاملی اوزرینه اجرای تأثیر ایتمه مش اولسی غیر قابلدر .

[۲] (کونوو) Op. nh. 68 . کورنه لیلرک تشکیل آتندہ ابتدائی برشی اولمادینی اثبات ایدمک یکی بردلیل ده ا . فجور دن تنفر (کورنه) لرده حد اصفریسندہ اولقی شوبله دورسون ، هیچ بر یرده بوقدر ایلری وارمه مشدر . حتی اولرده غیر طبیعی برحال اکتساب ایتمس بیله دینله بیلیر .

- ۳ -

اغزو غامی قاعده سی نرە دن نشأت ایتشدەر؟ بوسؤاله جواب ویرمک ایچون برچوق نظریه لر تکلیف ایداشدی . بو نظریه لر ، اولدقجه طبعی بر صورتده ، ایکی صنفه آریلیور . بر قسمی اغزو غامی نی ، ابتدائی جمعیتلره مخصوص بولمیش بعض خصوصیتلره ایضاح ایدیور ؛ دیگرلری عمومیت اوزره فطرت بشرک صفت مرکب سی ایله ایضاح ایدیورلر . لوبوق Lubbok ، سېنسر و ماقله نان اسملری ، ایلک قسمه عائددر . هر برینک ایضاحاتی آراسنده تفرعات اعتباریه فرق اولسه ده ، هپ عینی اساسه مستنددر . هپسی اغزو غامی نی ، ماهیتی اعتباریه ، تعرضی بر فعل ، بر قیز قاجیرمه دن عبارت عد ایدیور . لرکه بو ، اولاً منفرد ایکن یاواش یاواش نعم ایدیور و بو عمومیت نتیجه سنده مجبوری اولور . ارککلر بعض اسباب تحتده ، زوجه لرینی کندی عشیرت لرندن دکل یابانچی عشیرت لرندن آلفه مجبور اولورلر و زمان ایله بوعادت آمری برقاعده صورتنده تصب ایدیور . بوکا محاذی اوله رق ماهیتی ده ده کیشدیرمیور . ابتدائی بر جبر و شدت ، عادتا بر حرب شکنده ایکن یاواش یاواش صلح پرورانه و اعتباری بر شکل آلیور ؛ وایشته بونک ایچون بوکون عمومیت اوزره بوشکل تحتده کورولور .

بوعادتی تولید ایدن اسبابک ماهیته کئنجه ، مؤلفلر آراسنده اختلاف موجوددر . (ماقله نان) ه کوره [۱] ، بوعادتی ضروری قیلان چوقوقلرک قلی عادتی ایدی . مومی الیه دییرکه ، وحشیلر چوقوقلرینی اکثریا اولدیرلر و بالخاصه قیلرک فداسی ترجیح اولئور . بالنتیجه عشیرت داخلنده قادینلر آزالیر ؛ بناءً علیه بو بوشانی دولدیرمق ایچون خارجدن قادین آرامق مجبوری حاصل اولور . (لوبوق) ه کوره ، بدایتده یالکزمه شترک ازدواجلره مساعدده اولئوردی ؛ بوازدواجلر رینه فردی ازدواجلر اقامه سی احتیاجی بوخصوصده قطعی بر رول اوینامشدر . (مورغان) ایله (باق اوفن) ک نظریه لرینه طرفدار اولان (ماقله نان) مبدأده بوتون عشیرت ارککلرینک مشترکاً بوتون قادینلره صاحب اولدقلرینی و هیچ برکیمسه نک صرف شخصی ایچون بر قادین تخصیص ایده مه دیکنی قبول ایدیور ؛ زیرا بویه بر تخصیص ، جمعیت حقوقنه بر تعرضدی . فقط ، یابانچی جمعیتلره منسوب قادینلرده مسئله باشقه ایدی ؛ بوکی قادینلر اوزرنده عشیرتک هیچ برحق یوقدی . بناءً علیه یابانچی

عشیرتوں میں بر قادیں قابوب قاجیران، ارزوایتدیک کی تقدیر دہ او قادیسہ یالکیز باشنہ تملک یدہ بیلیردی . بویلہ برارزونک دہ انسانلرک قلبندہ اویانمسی پک طبیعی ایدی، چونکہ بوکی زدواجلرک فوائدی بدیہی کورونور . داخلدن (endogame) ازدواجلر علمینہ براعتقاد بوصورتلہ حاصل اولمش بولونیور [۱]

نہایت، اسفسرہ کورہ، بو حادثہ فی الحجاب ایتدیرن سبب، ابتدائی جمعیتلرک حربہ ویاغما جیلغہ اولان خواہشلری در . قادینلرک قاجیرلمسی، مغلوبک بر نوع یاغما ایدلمسی دیمکدر . قاجیریلان قادین غنائمدن معدوددر؛ بناءً علیہ شانلی و قیمتلی برغیمتدر . حربہ قازانیلان موفقیتک بردلیلی در . حربہ قازانیلان بر قادیسہ مالکیت، بوصورتلہ بر نوع اجتماعی تمایز، بر علامت حرمت اولمشدی . بونک ضدی اولہرق عشیرت داخلندہ صاحبورانہ بر صورتدہ عقد ایدیلن ازدواج بر نوع آلچلق و عادی بر ازدواج عد اولنوردی . عادیلک ایلہ قطعی ممنوعیت آراسندہ مسافہ پک قیصہ در [۲]

پک خلاصہ آلدیغمز بو ایضاحاتی صرف مخطرہ اولہرق نقل ایدیوروز . انسانلرک، قادین نقصانہ چارہ ساز اولمق ایچون، اولوم مجازاتنہ قدر بر جزا ایلہ، اللری آلتندہ بولنان قادینلرلہ ازدواجی نیچون منع ایتدکلی آکلا شیلدیور . اساساً قیز چوقلرک قتلی عمومی بر قاعدہ اولدینی، ونہدہ کندیسہ اسناد اولنان نتیجہ فی حصولہ کتیردیکی اثبات ایدلمہ مشدر . بو عادتہ اووسترالیادہ صیق صیق تصادف اولدینی دوشیردر [۳] . مرحالہ تولد دن اعتباراً ارکک وقادین آراسندہ بوزولان توازن یزینہ کتیرہ جک بر حادثہ وارددر : مدنی مملکتلردہ بیلہ ارکک چوقلرک طبیعی وفاتی قیز چوقلرک گکندن فضلہ در . ابتدائی جمعیتلردہ بو حال دہا بارزدر، چونکہ اورالردہ ارککک دائمی بر حربہ تاثیریلہ متادیا حیاتلرینی تہلکہ یہ القا ایدہ لر . قادینلرایسہ بوتہاسکیہ معروض دکلدر .

فی الحقیقہ انکلتزہ طرفدن فیجی آطہ لرینک (کہ اورالردہ چوقلرک اولدیرلمسی عادتدر) مختلف محللرندہ اجرا اولنان تدقیقات نتیجہ سندنہ چوقلرک زمانندہ ارکک چوقلرک عددی قیز چوقلردن فضلہ اولسہدہ ، بویوکردہ حال عکسنہ در . [۴]

origines de la civilisation, p. 424 [۱]

Principes de sociologie, II, p. 236 etc. [۲]

L'histisire du mariage humain, p. 297 Westermarck. [۳]

Fison et Howitt, Kurnai and Kamilaroi, 174 [۴]

(لوبوق) ايله (اسپنسر) ك نظر به لری بوسبوتون اساسزدر . (لوبوق) ك نظريه سی، الحاله هذه هیچ مدافعه ایدیه میان برادها اوزرینه مؤسسدر. مشترك ازدواجك حقیقتی اثبات ایده جك یكانه بر حادته ییله موجود دكلدر. بوتون قادینلره صاحب اولدینی حالده ، هپسینی ترك ایده جك ار ككلردن مركب بر عشیرت قدر غریب برشی اولورمی ؟ حربده آلنان قادینلر كده ، قادین قاجیرانه دكل ، مشتركاً جمعیته عائد اوله جفنی ده علاوه ایدیكز . اسپنسر كلیجه ، اوده فرضیه سینی اثبات ایچون ، یالكز درت حادته ذكر ایدیور ؟ بونلردن چیقان نتیجه ده ، وحشیلرده ازدواجه ابتدائی شرط اولمق اوزره جسارت آراندینی در. فقط جسارت و شجاعتی اثبات ایتیمكه یكانه وسیله قادین قاجیر مقمیدر ؟ قرون وسطی دهده بوكی عادتلر كورولور ؛ شووالیه لر ، نشانلیلری خوش ماجرالره قاجیرمغه مجبور دیلر . بونكله برابر اوزمانلر اغزو غامی یه مشابه هیچ بر عادت یوقدی . صوكره ، بونظام سبب عد ایدیلن عامل ايله ، قانونه اطاعت ایتیمانك دوچار اولدینی مدهش جزا آراسنده نه قدر فرق وار ؛

بوتون بومسلكر ك باشلیجه قباحی ، اغزو غامی مفهومك یا كلش آ كلاشیلیمسی در. فی الحقیقه بوعالملر اغزو غامی نی ، یالكز اجنبی ملیتی حائز بر قادینله مناسبات زوجیه ده بولونمق مجبوری تی عد ایدیورلر .

بونلره كوره منع ایدیلن ، عینی عشیرت اعضای آراسنده ازدواجدر. اغزو غامی هیچ بر زمان بویله بر معنایی حائز اولمامشدر . بو قانون یالكز بر سمیه یه منسوب آدملر آراسنده ازدواجی منع ایده ر ؛ فقط ار ككلر عینی عشیره منسوب و یا عین اتحاد تابع دیگر قلالنردن قادین آلیرلر . بو صورتله اتحاد ایدن سمیه لر آراسنده عداوت شوپله دورسون ، بونلر کندیلرینی اقربا عد ایده رلر . سمیه ايله عشیرت آراسنده کی فرق خصوصنده كوروان بو عظیم خطا - اغزو غامی مسئله سی اوزرینه بوقدر ظلمتلر آتمغه سبب اولمشدر . نه قدر تکرار ایدلسه آذر كه توتهم زمزمه لری (ابتدائی و یا مالی قلالنلر) آراسنده ازدواج عمومیتله خارجی در ، فقط سیاسی جمعیته (عشیرت) نسبتاً داخلی در . فی الحقیقه (ماق له ننان) ، اغزو غامی نك ، بوكونکی شکیله ، عشیرت داخلنده مرعی اولدینی بیلیور . فقط اوکا كوره بو داخلی اغزو غامی ، صوكره دن آلمه ومشتق بر صورتی در ؛ بونك طرز تكوینی ده اولدقجه ماهرانه بر صورتده ایضاح ایدیور . مثلاً بر برینه قومشوا ب ج عشیرت لری آلم ، بونلر آراسنده عشیرتدن عشیره اغزو غامی

جاریدر . ۱. عشیرتک ارککلیری یالکز ب ، ج عشیرتلدن جبراً قادین قاجیرہ رق کتریورلر . بو قادینلر ہر نہ قدر اسیر اولسہ لردہ ینہ ملتیرنی محافظہ ایدیورلر ؛ یکی اقدیلری آراسندہ اجنبی کی قالیورلر . چوجوقلری آنالرینہ باغلیان قاعدہ کورہ کندیلردن دوغان چوجوقلردہ کندی طبعیلرنی تنقین ایدیورلر . بو چوجوقلر ایچندہ دوغدقلری ۱. عشیرتدہ یاشامقلہ برابرینہ ب ، ج عشیرتلدنہ منسوب اولیورلر . بو صورتہ اولجہ متجانس اولان ۱. جمیعہ داخلندہ برندن آری ایکی زمرہ تشکل ایدیورلر ؛ بری ب منسوبی قادینلردن دوغان ب چوجوقلرلہ دیکری ج منسوبی قادینلردن دوغان ج چوجوقلردر . بو زمرہ لردن ہر بری بر سمیہ تشکیل ایدر . اولابویلہ شدت وجہر ایلہ تشکل ایتدکن صوکرہ بطن طریقیلہ و دوغان چوجوقلر مادری سمیہ منسوب اولمق صورتیلہ منتظماً تشکل ایدرلر . بو صورتلہ کندیلر تی تولید ایدن صنعی سبیلردن صوکرہ قالیورلر و جمیعک حال طبعیئہ عنصرلری کی تشکل ایدرلر . بو نتیجہ واصل اولدقن صوکرہ خارجی اغزو غامی فائدہ سز قالیور . ب ارککلیرہ باشقہ ملتدن قادینلر بولمق ایچون خارجی عشیرتلدن آرامغہ محتاج اولمازلر . بو کی قادینلری کندی عشیرتاری داخلندہ ج سمیہ سی ایچندہ بولورلر .

فقط بو کون بیلورلر کہ سمیہ لر بوسبوتون باشقہ برطرزدہ تشکل ایتشدہر . آوسترالیا وحتی آفریقا عشیرتلرینک اکثرینسندہ قلائرک ، ابتدائی ایکی منشادن بذاتہ تناسل طریقیلہ ظہور ایتدیکنہ شہہ یوقدر . بونلر جبر و شدتلہ خارجدن ادخال اولنان فرقلی عنصرلردن ایلری کلیور . ماقالہ ننانک فرضیہ سی اولسہ اولسہ ابتدائی ایکی قلاانہ قابل تطبیق اولابیلیر کہ دیکر قلائردہ قطعہ لشمق صورتیلہ بونلردن چیقمشدر . فقط بو ایکی نوع قلائک آرالردن اساسی بر فرق اولمادینی حالده بو قدر فرقلی ایکی یولدن حصولہ کلش اولسی پک آز محتملدر . اساساً یابانچی قادینلرک ادخال ، بو قدر احوالده ، غیر متجانس ایکی زمرہ نک ویا لکز ایکی زمرہ نک تولدینہ نەدن سببت ویرسین ؟ اوزمان ہر عشیرتک منتظماً یالکز ایکی قومشوسندن قادین آلدیغنی قبول ایتک لازم کلیر .

مقط بوطر زنجون بوقدر تحدید ایدلمش اولسون ؟ صوکرہ ، بو قادین ادخالاتی ، عشیرت اہالیسنک متجانس اساسی اوزرنده ایکی ابتدائی قلاان ظہورہ باشلائنجہ ، بردن برہ دوردی ؟ اکر اغزو غامی یہ سبب ، اسناد اولنان شیلر اولسہ یدی ، بو صورتلہ تبدل ایتدکن صوکرہ نصل قالہ بیلردی ؟ موجود قادینلری بر قلائدن دیکر قلاانہ کچیرمک

ارزمانکی قادین قحطنی آزالتمغه برچاره اولاماز . بونقل ایله قادین نفرسینی ، بك آز اولسون ، تزید کی برندجه الده ایدله من .

(مورغان) ك نظریه سی ده ا زیادہ تدقیقہ شایاندر . (۱) مومی الیہ کورہ اغزوغامی نك سابی ، قانداشلیر یئمندہ وقوع بولان ازدواجلره اکثراً عطف ایدلمش اولان فنا نتیجہ لر حسی در . اکر ، سویله نیلیدیکی وجهله ، قانداشلق حد ذاتندہ برتردی منبی ایسه ، عمومی قوہ حیاتیہ نی ضعه دوشورمك تهدیدندہ بولنان ازدواجلری اقوامك منع ایتمی طبیعی دکلیدر ؟ فقط تاریخده ، انسانلرک بومنوعیتلری کندی کندیلرینه فصل ایضاح ایتدکلری ، واضح قانونلرک نه کی ساشقلره تبعیت ایتدکلری آوانیلیرسه ، بوعصردن اول نفی وفیربولوریک تلفیلرک همان تماماً مجهول اولدینی کورولور . ابتدائی قوملرده ، بعضاً شرادہ بورادہ ، بوکی ازدواجلرک دوام ایدمه یه چکی سوبلنیور . (له ویتیک) دیورک [۲]: « بر آدم تیزه سیله ازدواج ایدرسه ، کناهلرینک جزاسنه اوغر ارلر وهیچ چوجوقلری اولماز » . فقط بوعقامت ، اللهم بر مجازاتی تلقی اولونیور . بر قانون طبیعی نك نتیجہ سی عد ایدلیور .

دلیلی ده شودرکه ، بوندن صوکره کی سطرلرده عینی تعیرلر ، حد ذاتندہ ، عضوی فنا تاثیرلری اولامیان ازدواج حقندہ ، برادرینک زوجه سیله ازدواج ایدن بر دم حقندہ ده استعمال اولونیور .

قرون قدیمده بوخصوصده برچوق سبیلر درمیان ایدلمشدر . افلاطونه کوره ، چیقلشمه ؛ ثروتلری وسجیه لری بربرینه قاریشدیرمق ودولت ایچون خیرلی بر تجانس حصوله کتیرمك خصوصندہ بر واسطه اوله بیلر . دیگر متفکرلره کوره ، مقصد محبتك محدود بر دائره ایچنده متمرکز قالماسنی منع ایتمکدر . (لوتر) . کوره ، اکر قانداشلق برمانع اولماسهیدی عشق سر ازدواجلر پك صیق وقوعه کلیر وازدواجده یالکز عائله ثروتنک تماماً محافظه سی حسی غالب کلیردی . آنجق اون یدنجی عصره دوغریدرکه ، بوکی ازدواجلرک عرقی ضعیفلاشدیره جنی وبوندن دولانی منع ایدلمسی ایجاب ایدہ چکی فکری ظهور ایتمشدر ؛ بو فکرده غایت مبهم قالمشدر . (مونتہ سکیو)

Morgan, Ancient Society, p. 69. [۱]

L. XX. 20. [۲]

بویہ بریثہ ذاہب اولماشدر . فقط دها شایان دقت اولانی ده شودرکه ، بویہ بر فکر قانون مدنیك اشای تحریرنده همان کاملاً یابانجی قالمش کبی کورونیور . (پورتالی) ، اسباب موجبہ سنده ، بوخصوصده تلمیحدہ بولونیمور . ژیه Gillet طرفندن تریبونایه ویریلن راپورده بویہ برقید واردر ، فقط درجہ تالیهده قالمشدر . مومی الیه دییورکه : « بدنی مکملیت اوزرینه بعض محتمل فکرلردن ماعدا ، قان و تماس ایله آرالرنده اساساً دوغریدن دوغریه ویا غایت قریب مناسبتلر تأسس ایتیش اولانلرک آرالرنده ازدواج ایتملرینی غیر ممکن قیلان بریب اخلاقی ده موجوددر . » بناءً علیه کورولیورکه ، پک کبج تظاهر ایدن بونظریه نی ، آوسترالیالیر ایله آمریقا وحشیلرینک اولدن کشف ایتیش اولدقلری دوغز اولاماز .

مع مافیه بو ایلاک ملاحظه ادعانک دوغری اولمادیغنی اثباته کافی دکدر . انسانلرک قانداشلغک مضر تأثیرلری حقنده مبهم و مشوش معلوماتلری بولندیغنی فرض اولونه بیلیر . بوخصوصده ایلاک انسانلرک واضح فکرلری اولماسه ده ، خط حرکتلرینی تعیین خصوصنده اولدقجه قوتلی بر حسه مالک بولونمش اواہ بیلملری ادعا ایدیله بیلیر . فی الحقیقه ، بزی بر طاقم شیلره سوق ایدن بیلری دائماً وضوح ایله بیلمش اولمه من قابل دکدر . فقط بو فرضیه نیک شایان قبول اوله بیللمسی ایچون ، قانداشلر آره سنده کی ازدواجدن حصوله کلن مضرتلرک بالفعل و حقیقه موجود ، غیرقابل انکار و قابا و ابتدائی ذکالرک هیچ اولمازسه حس ایده بیللمسی ایچون اولدقجه آتی بر بداهتی حائز اولمسی لازم کلیر . حتی بونلر نه صورتله ایضاح اولنورسه اولونسون ، مخیله شتله چارپلمسی لازمدر ؛ زیرا ، عکس تقدیرده بوکبی ازدواجلرک اوکنی آلفه معطوف عدایدیلن جزالرک فوق العاده شدتی آکلاشیله ماز .

قانداشلغه قارشى سرد ایدیلن حادثه لر بیطرفانه تدقیق ایدیله جک اولورسه ، یکانه مثبت نقطه ، بو حادثه لرک ، بو قطعی صفتی حائز اولمادقلری در . شبهه سز قانداشلغک مضر اولدیغنی بر طاقم حادثه لر ذکر ایدیله بیلیر ؛ فقط عکسی ادعایه موافق مثاللرده چوقدر . بر طاقم کوچوک اجتماعی زمره لر واردرکه ، مختلف سببلردن دولایی آرالرنده ازدواج ایتیشلر و بو ازدواجلر اوزون بظنلر دوام ایتدیکی حالده ، عرقده هیچ بر ضعف حصولک کتیرمه مشدر . (۱)

(۱) هوت Huth طرفندن ذکر ایدیلن حادثه لر . صحیفه ۱۴۰-۱۸۶

فی الحقیقه بعض مشاهده لرك كوستردیكنه نظراً ، قانداشلق ، عصبي بعض امراضه و صاغر و دلسزلکه میلی تزید ایدیور ؛ فقط دیگر استاتس تیقلرده قانداشلق و فیاتی آزالندیغنی کوستریور. نوویل (Neuville) یهودیلر حتمده بونی اثبات ایتشدرد. (۱)

بو ظاهری تضادلر کوستریورکه ، قانداشلق ، حد ذاتده مضر دکدر . عضوی خسته لقلر بولوندیغی زمان ، بوخسته لقلر ناهم رحالده بولونسهده ، قانداشلق بوخسته لقلری تزید ایدیور چونکه اوست اوسته قویور. فقط عینی صورتلده آنا و باباده کی اوصافده کسب قوت ایدیور . قانداشلق ، فنا تشکل ایتش عضویتلر ایچون مضر ایسه ، ای قابلیتلی حائز عضویتلری ده تأیید و تقویه ایدیور . بعض قابلیتله حق مصیب و مفید قابلیتله استثنائی بر قوت و یرمکه حیاتی توازن احلال ایتک تهلکه سی ده واردرد ؛ زیرا بالجمله وظائف عضویه نك آهنگدار اولسی و متقابلاً معتدل بر انکشافه مظهر اولملری صحتک شرطیدر . فقط آهنگ و توازنک بو صورتله قسماً انحلاله اوغرامسی فردی فیزیولوژییه نظراً مضر ایسه ، اگر بدرجهیه قدر ، بو انحلاله اوغرایان فاعلی ، طبیعی محیطه قارشی مجادلهیه آز مقتدر بر حاله افراغ ایدیورسه ، بو فاعل ایچون اکثراً بر تفوق اجتماعییه سبب تشکیل ایدیور . فرد ، بر جهندن غائب ایتدیکنی ، دیگر جهندن و بعضاً فضله سیله بولویور ؛ زیرا انسان مضاعفدر و حیاته قارشی قویه بیللمسی ، یالکز قوای کاشانه طرز انطباقه وابسته دکدر ؛ بو ، عینی زمانده جمعیت داخلنده کی وضعیت و وظیفه سنهده تابعدر . بوندن دولاییدرکه ، یهودیلرک نوراسته نی نك بوتون نوعلرینه اولان غیر قابل انکار تمایللری ، بلکه قسماً ، قانداشلق آراسنده کی ازدواجلرک پک صیق اولماسدن ایلری کلیور ؛ بو ازدواجلر نتیجه سنده ذهنیت ده ازیاده انکشاف ایتدیکندن یهودیلری عصرلردن بری هر طرفدن صاران تخریب اسباب اجتماعیه سنه قارشی مقاومت ایده بیللملری بو سایهده قابل اولشدرد . اساساً ، جمعیتلرک ، معین اوصافک بو صورتله تکلیفی حرثه بویه قطعی بر صورتله نیچون ممانعت ایتدکلری آکلاشله ماز. آریستوقراسی لر منور صنفلر باشقه صورتله تشکیل ایدیه مز . هر حالده بو صورتله حصوله کله بیلجهک تردی حادثه لری ، هر نه درجهده مضر اولسه لرده ، اگر بو ازدواجلر بر جوق بطلرده تمادی ایدرسه مضر اوله بیلورلر. قدرت حیاتیه نك ، اختصاص ایده ایده بی تاب قالمسی ایچون

زمان لازمدر . بو مفرط اختصاصك نتیجه لری ، آنجق اوزون و قماری بر مشاهده ایله کوروله بیلیر .

خلاصه ، اگر قانداش لر آراسنده وقوعه کلن ازدواج لرك ، فرد ایچون بر تهلكه حصوله کتیردیکی دوعری کورولورسه ، بو کی ازدواج لری احتیاط و تدبیرله اجرا ایتمك عاقلانه بر حرکت اولورسه ده ، بو ازدواج لرك ، اکثریا اسناد ایدیلان مدعش ، آتی تاثیر لری حائز دکلدر . بونلرك تاثیر لری دائماً قنا دکلدر و فنا اولسه ده ، آنجق پك چوق زمان صوکره تظاهر ایدر .

اوزمان بو محدود ، شبهه لی و بوقدر مشکلاته قابل مشاهده اولان مضرتك ، ابتدائی آدم لر طرفدن بردن کوروله بیلرسی ونه ده ، بر کره مشاهده ایدلر کدن صوکره بوقدر قطعی و بوقدر مرحمتسز بر ممنوعیته سببیت ویرمش اولرسی قبول ایدیه من .

بو مسئله نك ایفاظ ایتدیکی مناقشه لر دوری هنوز قایمعه مشدر ؛ هنوز بر برینه ضد بر چوق نظریه لر واردر ؛ مسئله بیله ده پك آز زماندن بری میدان چیقمشدر ؛ حادثه لر ، وحشینك ذهننی جلب ایده جك درجه ده بر بداهت و صراحتی حائز دکلدر . هر کون اولومه سببیت ویرن نسبة بسیط اسبابی بیله تمیز ایدیه میان وحشی فصل اولورده اوقدر حادثه لر آراسنه قاریشمش اولان بوقدر معضل و بطی بر تدریج ایله مشاهده محسوسه دن قاچان بر عاملی کوروله بیلیر ؟ بالخاصه قانداش لرك حقیقی محذور لری ایله ، اغزو غامی قانوننه عدم اطاعتی جزالاندیران مدعش حکم لر آراسنده بویوک بر نسبتسزلك واردر . بویله بر سبب ، کندیسنه عظم ایدیلان تاثیر ایله هیچ مناسبتی حائز دکلدر . اگر ، قوم لر شمعی ده یو کی احوالده عینی شدته حرکت ایتسه لردی !

فقط اختیار لره کنج قیزلر آراسنده و یا خود متورملر آراسنده ، نورا سته نیکلر آراسنده الخ . . ازدواج لرك دهاته لکه لیدر ، بونکله برابر بو کی ازدواج لره عمومیتله مساعد ایدلر کده در .

فقط بالاده کی نظریه نك دوعری اولمادیغنه ده قطعاً بر سبب وار :

اغزو غامی ایله قانداش لره آراسنده بالواسطه و تالی بر مناسبت واردر : شبهه سز بر

قلانہ منسوب آدمی کنڈیلرینی عینی جده منسوب فرض ایدرلر ؛ فقط بواعثادده خیالک بوپوک بر حصہ سی واردر . حقیقت حالده برقلانہ منسوب اولق ایچون او قلانک توتہ منہ کیرمک کافی در ؛ توتہ منہ منسوب اولق ایچون ده ، تولدایله هیچ علاقہ سی اولیان برطاقم شرطلر کافی در . توتہم زمرہ لری (قلانلر) ذریستہ اولدینی کبی دیوشیرمه اصولیله ده طوبیلانیر محاربه لرده الہ ایدیلان اسیرلر - اگر اولدیرلمزسه - قلانہ قبول ایدیلیر ؛ حتی اکثریا بر قلان دیگر بر قلانی یا کاملاً و یا قسمماً کندی قلانہ ادخال ایدر . دیمک اولیورکه برقلان اعضاسنک هپسی عینی قاندن دکلدر . اساساً بر قلانده بیکدن فصله و بر (فراتری) ده اوندن دها فضلہ انسان واردر . قلان اعضاسی آراسنده منع ایدیلان ازدواج یاقین اقربا آراسنده وقوع بولیوردی ، بناء علیہ بر عرقی ضعفه دوشورمک تہلکہ سی ده موضوع بحث اولامازدی . فضلہ اولہرق ، خارجدہ ازدواجلر ممنوع دکلدی و اغز و غامی قانونی یوق ایکن بیلہ برچوق قادینلر یا بانجی عشیرتلردن ادخال اولونوردی ؛ بو صورتلہ یا بانجی عنصرلرلہ ده ازدواجلر وقوع بولیور و بک یاقین اقربا آراسنده وقوعی ملحوظ ازدواجلرک فنا تاثیرلرینی ازالہ ایدیوردی . بویله بر هیئت عمومیہ ایچنده بوغولان بو کبی تاثیراتی آیروب کورمک قولای بر ایش دکلدی .

دیگر طرفدن اغز و غامی قانونی غایت یاقین قانداشلر آراسنده ازدواج مساعده ایدر . آنا طرفندن تسلسل واقع اولدینی زمان دایمک چوجوقلری ، بنم و آنامک فراتریسندن باشقه بر فراتری یه منسوب اولدقلرندن اونلرلہ ازدواج ایدہ رم .

دھا فضلہ سی ده وار : عینی فراتری یه منسوب قلانلری یکدیگرینه ربطایدن رابطہ لرک خاطرہ سی سیلینمکہ باشلادینی و برقلان الہ دیگر قلان آراسنده ازدواج مساعده اولوندینی زماندن اعتباراً بر بابادن دوغمه قیز وارکک قارداشلر یکدیگریله سربست بر صورتده ازدواج ایدہ بیلیرلر .

مثلاً (ایرو قووا) عشیرتندہ قورت قلانہ منسوب بر آدم بر (قابلومبغه) قلانندن و برده (آی) قلانندن ایکی قادینلہ اولتہ بیلیر . دوغان چوجوقلر آنالرینک قلانہ و توتہ منہ منسوب اولدقلرندن ، عینی آدمک بری قابلومبغه قلانہ و دیگر آئی قلانہ منسوب چوجوقلری اولور . بو چوجوقلر مختلف ایکی قلانہ منسوب اولدقلرندن

بر بابادن اوز قارداش اولمقلہ برابر ینہ بر بریہ اولنہ بیلیرلر . حتی اولدقہ متمدن قوملرده
 بیله بر بابادن دوغمه قیز و ارکک قارداشک یکدیگریله ازدواجنه مساعدہ ایدلمشدر . بو
 عادتہ عربلرده، اسلاولرده، آتنده الخ؛ تصادف ایدلمکده در . حالبوکه بوتون بواقوامده
 فجور منع ایدلمشدی ، دیمک اولیورکه فجوری منع ایدن سیبلر قانداشلغہ حائد شیلردن
 ایلری کلیور . (مابعدی وار)

مترجمی : نجم المبین صادق

